



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-216-4/23**
Datum: **11.09.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica Inženjering i proizvodnja EDM i CNC Tehnološki centar «E&P» d.o.o. Zavidovići za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona separacije tehničkog kamena dijabaza «LUKE» u naselju Ribnica, općina Banovići, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, Inženjering i proizvodnja EDM i CNC Tehnološki centar «E&P» d.o.o. Zavidovići daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona separacije tehničkog kamena dijabaza «LUKE» u naselju Ribnica, na zemljištu označenom kao k.č. broj: 1184 K.O. Brezovača, općina Banovići.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se do 19.12.2023. godine ugradi tankvana ispod nadzemnog rezervoara za pogonsko gorivo, te da se prilaz vozila rezervoaru omogući sa betoniranog platoa prališta.
 - 2.3. Da korisnik predmetnog objekta, za vrijeme trajanja ove dozvole, obezbijedi da se oborinske vode sa betoniranog platoa prališta, na kome se vrši pranje i popravak vozila i radnih mašina, nesmetano prikupljaju sistemom betonskih kanala te odvođe na tretman u separator masti ulja. Preliv iz separatora masti i ulja je u rijeku Ribnicu.
 - 2.4. Da se oborinske vode sa radnog platoa, kao i vode od obaranja prašine prikupljaju sistemom obodnih kanala i drenažnih cijevi i odvođe na tretman u taložnike, odakle se voda pumpom vraća u proizvodni proces.
 - 2.5. Da se taložnici redovno čiste kako bi se osigurala njihova funkcionalnost.
 - 2.6. Da se rabljeno ulje skladišti u odgovarajućoj ambalaži, na natkrivenom dijelu prostora prališta.
 - 2.7. Prečišćene vode, prije ispuštanja u recipijent, moraju ostati u maksimalno dopuštenim granicama definisanim članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.8. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.9. Korisnik objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz oba okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja

- vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.10. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.11. Talog iz separatora, kao i ostali opasni i neopasni otpad, te separisani materijal se ne smiju ni privremeno odlagati na česticu «vodno dobro», odnosno u vodotoke i na njegove obale.
- 2.12. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija u tlo i vode).
- 2.13. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, Inženjering i proizvodnja EDM i CNC Tehnološki centar «E&P» d.o.o. Zavidovići, dana 26.05.2023. godine, podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona separacije tehničkog kamena dijabaza «LUKE» u naselju Ribnica, na zemljištu označenom kao k.č. broj: 1184 K.O. Brezovača, općina Banovići.

U provedenom postupku dostavljena je i pregledana sljedeća dokumentacija:

- Ovjerena kopija aktuelnog izvoda iz sudskog registra broj: 043-0-RegZ-23-000510 od 23.02.2023. izdatog od Općinskog suda u Zenici,
- Ovjerena kopija Uvjerjenja o poreznoj registraciji izdatog od Porezne uprave Federacije BiH-Kantonalni ured Zenica od 12.03.2010.,
- Ovjerena kopija Rješenja o odobrenju za obavljanje registrovane djelatnosti broj: 04-18-4216-5/08 od 17.09.2008. izdatog od Ministarstva za privredu/gospodarstvo Zeničko-dobojskog kantona,
- Dokaz o uplaćenju upravnoj taksi,
- Ovjerena kopija Dozvole za izvođenje radova po Glavnom rudarskom projektu UP/I broj: 03/1-18-37095/11 od 04.05.2012. izdate od Ministarstva industrije, energetike i rudarstva Tuzlanskog kantona,
- Ovjerena kopija Rješenja o urbanističkoj saglasnosti broj: 05/1-23-3792/11 od 25.07.2011. izdatog od Službe za prostorno uređenje, stambeno komunalne poslove Općine Banovići,
- Ovjerena kopija Rješenja o urbanističkoj saglasnosti broj: 05/1-23-982/12 od 15.10.2012. izdatog od Službe za prostorno uređenje, stambeno komunalne poslove Općine Banovići,
- Kopija Obavijesti (nije potrebno izdavanje okolinske dozvole) broj: 12/1-19-018047/22 od 11.08.2022. izdatog od Ministarstva prostornog uređenja i zaštite okolice Tuzlanskog kantona,
- Kopija Odgovora na upit broj: 05/2-19-5-529/22 od 20.09.2022. izdatog od Federalnog ministarstva okoliša i turizma,
- Kopija Rješenja o vodnoj dozvoli broj: 04/1-13-21-27628/21 od 30.09.2021. izdatog od Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o vodnoj dozvoli broj: UP-I/25-3-40-689-5/17 od 16.04.2018. izdatog od «Agencije za vodno područje rijeke Save» Sarajevo,
- Kopija Ugovora o preuzimanju, skladištenju i zbrinjavanju opasnog otpada zaključenog dana 19.08.2022. sa «KEMOKOP» d.o.o. Tuzla,
- Kopija transportne dokumentacije za otpad (zauljena zemlja i rabljeno ulje) broj: 072/22 i 073/22 od 18.08.2022. izdate od «KEMOKOP» d.o.o. Tuzla,
- Izvještaj o monitoringu kvaliteta i kvantiteta otpadnih voda «E&P» Zavidovići (separacija Luke i površinski kop Papratnica) broj: 7-241-2633/23, maj 2023., urađen od «TQM» d.o.o. Lukavac (na uvid),
- Projekat izvedenog stanja vanjskih hidroinstalacija separacije tehničkog kamena dijabaza „Luke” u naselju Ribnica, općina Banovići broj: 10-160/23, juni 2023., urađen od «TQM» d.o.o. Lukavac (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-216-3/23 od 24.08.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni pogon separacije tehničkog kamena dijabaza „Luke” je izgrađen u naselju Ribnica, općina Banovići, uz regionalni put Ribnica-Banovići. Pogon je na udaljenosti od cca 1,5 km od površinskog kopa dijabaza „Papratnica”, općina Zavidovići. Pogon sačinjavaju: postrojenje za usitnjavanje kamenih agregata, skladište maziva i ulja i betonirani plato prališta, prostor u kome je smješten nadzemni rezervoar za pogonsko gorivo sa automatom za istakanje, kontejneri za smještaj radnika, otvoreno skladište frakcija, sanitarni čvor, nadzemni rezervoar za vodu, kolska vaga, taložnici, separator masti i ulja, septička jama.
- Oborinske vode sa uređenog platoa, na kome se vrši popravak i pranje vozila i građevinske mehanizacije, se prikupljaju sistemom slivnika i kanalizacione mreže i odvode na tretman u separator masti i ulja. Preliv iz separatora je u rijeku Ribnicu.
- Na prostoru prališta se skladište rabljena ulja u odgovarajućoj ambalaži.
- Uz prostor betonskog prališta je namjenska prostorija u koju je smješten rezervoar za pogonsko gorivo V=3.000 l sa automatom za istakanje.

- Oborinske vode sa radnog platoa, kao i vode od obaranja prašine se prikupljaju sistemom drenažnih cijevi i obodnih kanala i odvođe na tretman u 3 taložnika, odakle se voda pumpom vraća u proizvodni proces. Nema ispusta iz taložnika.
- Uz rijeku Ribnicu je napravljen „branik“ od nasutog materijala.
- Za korištenje vode i ispuštanje snižitarno fekalnih otpadnih voda je ishodovanja vodna dozvola od Ministarstva poljoprivrede, šumarstva i vodoprivrede Tuzlanskog kantona.
- Na uvid je dostavljen Izvještaj o monitoringu kvaliteta i kvantiteta otpadnih voda «E&P» Zavidovići (separacija Luke i površinski kop Papratnica), maj 2023., urađen od «TQM» d.o.o. Lukavac. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva Inženjering i proizvodnja EDM i CNC Tehnološki centar «E&P» d.o.o. Zavidovići, ispunio minimum uslova za izdavanje vodne dozvole aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih akata



Hariš Ališehović, dipl.ing.građ.

Dostaviti:

- Tehnološki centar «E&P» d.o.o.
Mala Ribnica bb, 72220 Zavidovići
- AVP Sava, ISV-vodna knjiga
- Sektor 50
- ⊗ Sektor 40 – arhiva
- oglasna ploča – AVP Sava